

第〇九〇冊

方輿彙編

職方典

大同府部

沁州部

(卷)
三十一至
三十一至

古今圖書集成

中華書局影印

欽定古今圖書集成方輿彙編職方典

第三百四十三卷目錄

大同府部彙考一

大同府建置沿革考

大同府疆域考

大同府星野考

大同府山川考上

職方典第三百四十三卷

大同府部彙考一

大同府建置沿革考

本府

通志

虞州屬并州春秋北翟所居戰國屬代後屬趙

秦為雲中屬門代郡地東漢末郡廢三國魏屬

新興郡晉改屬屬門後魏徙都平城置司州牧

及置代尹又置北恆州後周俱廢隋以其地屬

雲代朔三州唐初復置北恆州治雲中縣尋廢

開元中置雲州天寶初改雲中郡乾元初復為

雲州五代唐以雲州置大同軍節度屬河東道

宋置雲中路遼升為西京府曰大同金因之後

置都總管府及留守司元為大同路後復為西

京路明洪武二年改為大同府領州四縣七其

西置七衛所其東又置四衛

皇清順治十一年裁路將印屯等官衛并西路府統屬城守事務俱屬把總其府縣仍因之

皇清因之編戶舊一十四里今仍舊

應州

古唐國地周戰國時趙為代郡地秦為陰館縣

地屬屬門郡漢因之東漢末廢南北朝魏屬神

武郡北齊改屬太平郡後周郡廢置陰城隋廢

唐置金城縣以縣置應州蓋因龍首鴈門二山

南北相應故名五代唐置彰國軍節度遼金仍

舊元復為應州明因之以金城縣省入領縣一

置安東中屯衛守焉隸大同府

山陰縣

秦為屬門郡陰館縣地東漢末廢南北朝魏置

平齊郡北齊改屬太平郡隋置神武縣屬馬邑

郡唐廢遼置河陰縣屬應州今改山陰縣置忠

州元併入金城縣尋復置明因之隸大同府應

州置千戶所守禦

皇清因之編戶舊七里今六里

朔州

周戰國時屬燕秦為代屬門二郡地漢為馬邑

縣地屬屬門郡東漢屬雲中屬門二郡後廢三

國魏置新興郡晉改新昌郡南北朝魏屬桑乾及

神武二郡又于定襄故城置朔州北齊改神武

曰太平改桑乾曰廣寧徙朔州城于馬邑後周

郡罷以朔州置總管府改州為馬邑郡治鄯陽

唐復改朔州天寶初改馬邑郡乾元初復改朔州五代唐置鎮武軍宋遼為順義軍改朔寧府金仍為朔州元屬大同路明因之以鄯陽縣省

入隸大同府領縣一置朔衛守焉

皇清因之編戶舊八里今六里

馬邑縣

周戰國時屬燕秦時建城輒刷忽有馬旋馳隨跡築之城乃成故名漢屬鴈門郡南北朝北齊屬廣安郡隋郡廢以縣省入都陽縣屬朔州唐復于大同軍城置馬邑縣建中間嘗徙朔州治此五代唐置寰州及寰清縣遼罷爲馬邑縣金固州元州廢縣存明因之隸大同府朔州置千戶所守禦

皇清因之編戶舊五里今四里

蔚州

周春秋時屬晉戰國時初屬趙後屬燕趙襄子時蔚入代地秦置代縣屬代郡漢封代王于此爲代國東漢末廢南北朝魏置懷荒禦彝二鎮東魏置靈丘郡後周置蔚州隋屬上谷郡唐初入突厥置州僑治陽曲繁峙秀容後被突厥還復置蔚州尋改安邊郡又改興唐縣五代周改興唐曰靈山尋改靈仙縣遼置忠順軍靈仙縣隸金爲蔚州治上郡宣德府元初省州爲靈仙縣屬弘州尋復爲州屬宣德府明洪武四年省靈仙縣入州因舊名領縣三隸大同府置蔚州衛守禦焉

皇清因之編戶舊二十五里今一十五里

廣靈縣

漢代郡延陵縣地東漢末廢隋以其地入上谷郡唐爲安邊縣地後改安邊曰興唐屬蔚州五

大同府疆域圖

代唐置廣靈縣遼屬蔚州金元仍舊明因之隸大同府蔚州

皇清因之編戶舊九里今八里

靈丘縣

漢縣屬代郡因趙武靈王葬此故名東漢省南北朝魏復置屬靈丘郡隋初郡罷以縣屬蔚州大業初州罷以縣屬鴈門郡五代遼仍舊金置成州元復爲靈丘縣屬蔚州明因之隸大同府蔚州

皇清因之編戶舊十里今九里

廣昌縣

古無終地又爲飛狐口漢置廣昌縣屬代州東漢屬中山國晉屬代郡南北朝後周置五龍城隋仁壽初改曰飛狐縣屬易州唐初僑治易州之遂城遼屬蔚州貞觀中復故地宋陞爲飛狐軍遼復爲飛狐縣金元仍舊明復改廣昌縣隸大同府蔚州置千戶所守禦

皇清因之編戶舊四里今仍舊

大同左雲川衛

大同右玉林衛

陽和高山衛

天城鎮遠衛

威遠衛

平遠衛

皇清順治十一年裁路將印屯等官衛併西路府統屬城守事務俱屬把總

界庄兒縣縣界宣興



界國門馬州代

大同府疆域考

府志

本府大同縣附郭

東至直隸保安州界深井三百六十里

西至大同右衛黃土山墩二百三十里

南至太原府代州鴈門關二百九十里

北至本府舊宣寧縣界貓兒莊一百二十里

東南

東北

西南

西北

東西廣五百九十里南北袤四百一十里自府

治西南至省城里北至

京師七百餘里

大同縣

東至洪州界

西至右衛

南至應州界

北至貓兒莊

東南

東北

西南

西北

東西廣二百一十里南北袤二百一十里

懷仁縣

東至大同縣界新橋

西至清涼山

南至趙家疃

北至大同縣界荷家寨

東南

東北

西南

西北

東西廣四十五里南北袤六十五里自縣治東

北至本府七十里南至省城里北至

京師里

渾源州

東至廣靈縣界分水嶺

西至應州界羅家莊

南至靈丘縣界蔡家峪

北至本府靈城口驛

東南

東北

西南

西北

東西廣九十五里南北袤一百六十里自州治

西北至本府一百二十里西南至省城里北

至

京師里

應州

東至渾源州界羅家莊四十里

西至山陰縣界安銀村三十里

南至繁峙縣界書堂岩五十里

北至大同縣界南柳會村二十五里

東南至繁峙縣界龐家套五十里

東北至大同縣界應子溝四十里

西南至本府界胡峪嶺八十里

西北至懷仁縣界六十里

東西廣七十里南北袤七十五里自州治西北

至本府一百二十里南至省城五百里東南驛

路由紫荆關至

京師一千里

山陰縣

東至應州界長樂村二十五里

西至馬邑縣界新興鋪三十里

南至代州界佛宿山三十里

北至黃花嶺懷仁縣界五十里

東南

東北

西南

西北

東西廣五十二里南北袤七十五里自縣治東

至本州六十里北至本府一百八十里至省城

九百里北至

京師二千五百里

朔州

東至山陰縣界新興鋪八十里

西至壽陽川六十里

南至崞縣界段家鋪七十里

北至馬家河一百三十里

東南至廣武站八十里

東北至泥河七十里

西南至神池口六十里

西北至鴨子坪一百三十里

東西廣一百四十里南北袤二百里自州治東

北至本府二百八十里東南至省城五百里北

至

京師九百里

馬邑縣屬朔州

東至山陰縣界新興鋪四十里

西至朔州界烟墩村一十五里

南至代州界門關八十里

北至朔州界洪溝山界一十五里

東南至廣武站五十里

東北至懷仁縣界一百五十里

西南至寧武關一百二十里

西北至井坪所七十里

東西廣七十三里南北袤七十五里自縣治西

至本州四十里東北至本府二百四十里東南

至省城四百六十里北至

京師九百六十里

蔚州

東至保安州界一百八十里

西至廣靈縣界六十里

南至廣昌縣界一百三十里

北至東城界一百里

東南至易州界三百里

東北至宣府界二百五十里

西南至靈丘縣界一百三十里

西北至陽和界一百八十里

東西廣二百里南北袤一百四十里自州治西

北至本府二百五十里西南至省城七百五十

里東至

京師五百里

廣靈縣屬蔚州

東至蔚州界石橋溝二十五里

西至渾源州分水嶺界六十里

南至靈丘縣界義泉嶺界四十里

北至大山夾石溝口四十里

東南至蔚州北口七十里

東北至樺澗嶺口四十里

西南至靈丘縣界漫山村七十里

西北至大同縣界火燒嶺口六十里

東西廣一百五里南北袤一百里自縣治北至

本州一百五十里西北至本府二百四十里西

南至省城七百二十里北至

京師五百三十里

靈丘縣屬蔚州

東至廣昌縣城九十里

西至渾源縣城一百里

南至直隸阜平縣城二百里

北至廣靈縣城八十里

東南

東北

西南至鴈門關二百七十里

西北

東西廣八十里南北袤一百九十里自縣治東

北至本州一百五十里西北至本府二百七十

里西南至省城同里東至

京師五百里

廣昌縣屬蔚州

東至直隸易州界草店橋六十里

西至靈丘縣界白陽鋪五十七里

南至直隸唐縣界石白村六十一里

北至本州界黑石嶺五十五里

東南

東北至宣府三百六十里

西南

西北至廣靈縣治一百七十里

東西廣一百一十里南北袤一百四十五里自

縣治北至本州一百五十里西北至本府三百

六十里西南至省城七百里東北至

京師三百里

形勝附

本府大同縣附郭 通志府州縣志

史記西有雲中南有鴈門所謂天府也

戰國策恆山爲天下之脊

寰宇記北臨廣野封略之內南北錯居

大同以西紫河以東橫互而來綿亙三千里

邇鑑前代用武之地寄任必文武兼資

廣輿記三面臨邊西北巨鎮

輿圖備考北臨曠野綿亙千里柏杪凌峙層崖

刺天勝樂所聚

京師藩屏三面臨邊用武之地最爲要害

王瓊云兔毛河口最爲要衝

連上谷遼并恆界黃河實內地之藩屏中原之保障

懷仁縣

黃花聲其前三臺擁其後東映鎮海西噓谷口

渾源州

宋朱弁本州記柏梯奇觀

明一統志姑越屏其南桑乾帶其北龍首雄峙

于左鴈門拱嶂于右東西長川坦然平闊前代

以來用武之地

京師藩屏雲中要郡

襟山帶河素號神川崇岡峻嶺環列如障可云

四塞

幅員遼闊

居并代之間臨絕塞之地八山旋而環繞二水

合而渾流

應州

宋朱弁本州記平坡峻岷林木深秀

左龍首右鴈門南姑越北桑乾

山陰縣屬應州

九嶺拱圍二河吞納東西長川坦然平闊

諸峰環峙衆派經流

朔州

宋朱弁本州利涉橋記東距馬邑西直鄆陽南

接天池北連洪濤

桑乾繞其後鴈門峙其前

密邇邊陲咽喉冀并肩背幽燕西北一大扼塞也

馬邑縣屬朔州

東護雲中西擁朔郡洪濤山層障于後鴈門關

壘峙于前河出桑乾遼九曲而南渡流接灰水

障百川而東之誠爲北邊鎖鑰

東鞏宣雲西控寧朔南捍忻代北拱平坪洪濤

屏翰于後紫荊保障于前河出龍池滾滾烟波

繞九曲山聳鴈岫層層雄堞鎖千尋雖彈丸黑

子之封亦扼險制勝之地

蔚州

元志蔚州古道極峻

諸關要害

萬山環拱北枕桑乾中帶壺流三關天險連上

谷而接雲中背腹手足之勢備焉

守飛狐之隘口而餉道無虞通順聖之輔車而

犄角可恃

廣靈縣屬蔚州

西枕亂嶺東距洪濤居并代之肩背當蔚渾之

咽喉四山圍繞二水合流

枕桑乾控太白連上谷接雲中

靈丘縣屬蔚州

臂聯雲朔吭扼鴈門咫尺邊陲紫荊門戶

萬山環遠潛水旋折

兩山虎踞中界大河南引鐵嶺倒馬聲援可通

北控蔚州恃爲犄角蓋咽喉重地也

層山壁立峭谷迴遶路止石磴最爲奇嶮

當雲中之上游處邊陲之內地西望鴈門有襟

恆帶桑之勝東取荆馬儼龍蟠虎踞之奇峰迴

澗折一夫直足當關控險拓原四面皆堪制敵

鎖鑰中邦扞衛西塞蔚靈之間稱重鎮焉

廣昌縣屬蔚州

四山圍繞二水合流東近紫荊南接倒馬萬里

長城金湯天險西關鎖鑰之地也

係兩關之肩背

北連宣大西通山陝二鎮之咽喉兩省之血脉

四面通衢地多險阻

巉巖陡峻天生險要

大同府星野考

府志

府屬總載

晉志云自胃七度至畢十一度爲大梁辰在酉

趙之分野屬冀州

郡躔次云雲中入東井二度

寰宇通志云大同昂畢

舊志云恆山入昴五度

按大梁爲趙大同趙之北郡正屬恆山則昂畢

正趙之分野而各星所主且與地人事相紊合

大同之占畢昂固不易之說也

大同府山川考上 府志

本府 大同縣附郭

雲公山 在城西北一十五里

武州山 在城西二十里武州川水出焉峪中有石窟寺魏孝文帝常幸焉山下有耿氏三塚

高山 在城西八十里

七峯山 在城西南四十五里又名玉龍山有石洞天橋

紇真山 在城東北五十里紇真猶言千里其山多夏積雪故諺曰紇真山頭凍死雀何不飛去生處樂亦名紇千山

七寶山 在城北四百餘里古豐州境山下有古城相傳為漢五原郡或云金築此以屯兵

黑山 在城西北四十五里古豐州境與雲內州夾山東西相連

神山 在城北四十里

岐王山 在城西南九十里一名奚望山

勝山 在城西南一百三十里

石祿山 在城西北五百里故平城縣東四十里山出石祿

官山 在城西北五百餘里古豐州地山上有九十九泉流為黑河

白登山 在城東一百四十里上有白雲臺梁元帝橫吹曲云朝遊青陵道暮上白雲臺謂此

豐稔山 在城東一百七十里

盧駒山 在五原見漢書

綠狐山 在顧陵見漢志

焦山 在城東一百八十里

朝那山 一名牟那

牛頭山 二山俱張仁愿受降城所置墩處

三寶山 在城北一百七十里

牛心山 有二一在城西南一百八十里一在城北一百九十里

雙山 在城西南一百三十里

採掠山 在城東北四十里其山多出藥材上有採掠大王廟及採掠觀

彌陀山 在城西北九十里上建關王廟

禪房山 在城西南六十里有寺塔皆創自遼

方山 在城北五十里有方山宮故址

雙化嶺 在城西三十里盤踞百餘里嶺西有古寺遺跡世傳有二僧共化于此故名

野狐嶺 在城北二十里

牛皮嶺 在城東六十里有牛皮關

呼延谷 有歸唐柵車路

拖皮嶺 在城西北十五里

丘家嶺 在城西北三十里

拂雲堆 在豐州

桑乾河 源出馬邑經縣界東南

葫蘆海 在府北二百里一名葫蘆河

水磨河 在府東門外

奄遏下水河 在城西北二百里水潮無常納大岡小岡大匯小匯四河

黃河 古東勝州界

金河 在城西北五里古雲內州金河縣東南一百五十里流入天瑞泊其泥色似金故名

紫河 在城西北四十里源自豐黑峪口西入雲內州東合黑河

黑河 在城西北四百里古豐州界源出官山由雲內州至東勝州入黃河

兔毛河 在城西北二百里略駝山流過古東勝州入黃河

滄頭河 在城西一百二十里

如渾河 一名街河在城東北四十里開山口兩源合為一歷城東而南流與武州川水合注于桑乾

御水 在府城西北開山口與得勝河源合流經府東門外折而南民資灌溉上有石橋

武州川 在城南十五里又名合河源出白羊山溪谷中流至府南十五里東南流注如渾水

金河泊 在城西北五百里古東勝州境上承紫河南流入黃河

天瑞泊 在古雲內州西

大鹽澤 在城西四百里古豐州界

石窟寒泉 在城西三十五里石窟寺左

沒越澤 與大鹽澤近

三聖井 在府城東一百二十里沈家窠俗傳

元帝駐蹕于此飲馬

白道泉 在府城北相傳即飲馬長城窟處

沙井 在城西西北四百里古豐州其外即界壕

古沙陀地

君子津 在城西北五百里古東勝州界亦名

君子濟漢桓帝十三年西幸榆中東行代地洛

陽大賈齋金貨隨後行夜迷失道往投津長日

子封送之渡河賈人卒死津長埋之其子尋求

父喪發塚舉尸其資費一無所損其子悉以金

與之津長不受事聞與帝曰君子也即名其津

為君子津

懷仁縣

玉龍山 在縣西北四十里有青石盤旋至巔

遠視如龍狀故名壁有洞口名玉龍洞上建以

鐵瓦覆之登視者援鐵索履浮木而上下覲諸

山若凌空然中有恆嶽行宮山巖竦立風雨不

侵誠天建也山有七峰

團山 在縣西北三十五里

石井山 在縣西十五里峪有石井故名

清涼山 在縣西十五里頂有磚塔數百里外

望之可見每早有白雲籠塔即雨舊有利國鐵

冶北壁有石碣內有金鑽約三寸許觸之即動

取之不出石堂內有地鼓石擊有聲如鼓西有

寒泉雖盛暑人不敢飲下有佛寺即文殊菩薩

修行處

錦屏山 在縣西二十五里山峰聳翠舊有瓷

窑及鐵冶

蘆子山 在縣西南十五里舊有鐵冶

大峪山 在縣西南四十里上有鵬窩寺山碣

昔有鵬巢今尚存峪闊可行車南通馬門等關

西通左右衛諸城堡先年議築城未就

金龍山 在縣西南七十里有泉與馬邑金龍

池脈相通故名

樓子山 在城西一十五里

小峪山 在城西南四十里

黃花嶺 旁有金仙洞憑石如樓殿一名金仙

山在縣西南五十里

燕家山 在縣西南六十里上有洞

海子 在縣東十五里周圍三十餘里其西北

有泉深不可測旱禱雨輒應一名鎮子海

南河 在縣南五十里水內產地梨居民賴以

救荒

北沙河 在縣北半里舊無水今出泉

南沙河 在縣南半里舊無水今出泉

新莊子河 在縣南七十里源出新莊村西經

黃花嶺南山陰縣諸村堡皆資灌溉

神泉 在縣北四十里泉二孔水甚甘

德乙已夏大同地震有聲如雷懷仁縣地裂湧

水盡黑漂出松柏朽木即此泉也

聖水泉 在縣東南二十里海子村村無甜水

村北一里許平地湧泉清深不測民咸賴焉

沙河 在縣境後魏常以此名縣

雙井 在縣南九十里土人相傳地一丈湧泉

二所今砌一井

上石井 在縣西南一百里

下石井 在縣西南一百二十里

渾源州

恆山 在州南二十里即北嶽也水經謂之元

嶽其山高侵霄漢舜北巡符至于恆山即此其

頂名天峰嶺下建北嶽觀觀側有飛石窟上建

后土祠鎮之觀前風如虎吼名虎風口觀東南

五十里有潛龍泉早禱雨應能愈疾上建龍泉

觀觀之東有夕陽巖巖下有迴嶺巖巖面有碧

峰嶂東南有古老嶺一名果老嶺嶺下有白虎

峰觀之北峰頂百餘步有翠棋臺會仙府聚仙

臺得一庵又東北有白雲堂初入山有道名步

雲路行數里有翠雪亭上亭坡名望仙嶺東半

崖有集仙洞東北有紫芝峪西南有脂圖

皇清盤正祀典始遣官祭北嶽于此

翠屏山 在州南七里山形秀麗宛如畫屏

柏山 在州東南十里頂有惠微秀麗可愛又

名秀麗下有黑龍池與雲即雨郡人以為雨徵

孫贖山 在州東南六十里東有孫贖寨西有

龐涓寨相距數里俗傳為二將聚兵處南麓下

第○九○冊 之○四 葉

方輿彙編職方典第三百四十三卷大同府部

古

今

圖

書

集

卷

第

三

百

四

十

三

卷

大

同

府

部

第

三

百

四

有洞鑿爲千佛

畫錦山 在州西北二十五里元孫公亮由御史仕至尚書而還故名

馬鞍山 在州西北與畫錦山連

五峰山 在州東三十里山形如掌五峰如削

有三洞

龍角山 在州北二十里雙峰並峙狀如龍角

鳳凰山 在州西北七里山形如鳳神谿水發

源于麓

橫山 在州西二十里南北橫互隱如城郭故

啤縣在其左

封龍山 一名龍山在州西南四十五里夏時

雨過山氣上騰如虹其東連北山金末李冶元

好問張德輝常遊此山時號三老

玉泉山 在封龍山東北五里有泉潔如玉

李峪山 在州西南一十五里

玉華峰 在州南十里峰巒秀麗形如削玉即

恆山之左也

渾源河 在州東南十里源出噴土峪繞城西

北匯爲大澤名渾源川西流入神谿至應州龍

首山折而北入桑乾踰蘆溝而東流入于河

嘔彝河 源出州東南五十里槍峰嶺東南經

靈丘廣昌倒馬關定州界注於衛河入海周職

方曰嘔彝謂此今名瀆河又名唐河一名澧河

亂嶺關水 在州東四十里西流至新莊西南

流入渾河

神谿水 在州西北七里有孤石方畝高大

餘周迴泉混出旁有受水池雖隆冬不冰

乳泉水 在州西二十里橫山嘴側南流又名

西神谿水

流水 在州南七里源出翠屏山東南合溫泉

水入靈丘界注唐河山海經云高氏之山澆水

出焉水經謂溫彝之水蓋古今異名也入靈丘

界出倒馬關注唐河至河洞爲玉鏡河玉帶河

崞川 源出州東北二十里流經州西南十五

里古崞縣麻家莊合渾河至應州西安鎮折而

北流注桑乾河

黑龍池 在州秀嶺之下雲氣升不三日而雨

每旱州人以爲驗一名黑龍河

溫泉 在州東南一百里湯泉鋪水經注曰溫

泉出西北喧谷水溫熱若湯能愈百疾

凌雲口水 在州西南三十里

磁窑水口 在州南十里東西分水引入城

應州

龍首山 在州東北三十里一名邊耀南跨雲

中延袤千里

鴈門山 在州西南山北與龍首山相望故州

以應名

茹越山 在州南三十里壁列如屏所謂南山

之麓林木深秀內多佳境

雲山 在州南四十里山日雲籠故名

翠微山 在州東南三十里山色遠望翠秀可愛

龍灣山 在州西南四十里茹越口東亦名南

山上有龍池遇旱禱雨多應西南有越嶺連繁

峙縣界

香峰山 在州西南四十里茹越口龍灣之南

黃花嶺 在州西北三十里趙武靈王略地登

黃花岡即此

桑乾河 在州西二十里

渾河 在州東二十里源出渾源州神頭村西

流至安邊鎮折而北流合於桑乾河

黃水河 在州西南八里至山陰縣城南入桑

乾河湧則泛旱則涸

石峪水 在州東南三十里有大石峪小石峪

合流一道至城西北入桑乾河

聖水泉 在州東三十里北豐壠平地出泉冬

夏長流禱雨有應上有龍王廟

唐泉 在州東二十里安邊鎮下有泉自石澗

出冬夏長流入渾河

馬跑泉 在州南四十里朗嶺門下相傳李存

孝飲馬處

金鳳井 在州舊城內東北隅相傳晉王李克

用生時有金鳳飛出

大井 在州南關中古龍王廟前以木甃之州

民咸賴

山陰縣

佛宿山 在縣南三十五里金王拱碑云文殊

大師留宿處山下出水名何家泉亦名覆宿山

又俗名爲草梁山

香山 在縣南三十里春夏花木香盛故名

龍門山 在縣南三十里亦名隘門上有射御臺後魏文成帝常射於此

黃花山 在縣北四十一里西北接應州名黃花堆又名黃花嶺

化悲巖 在縣西南四十里北嶽行祠在焉石罅滴水旱禱有應一名樺皮岩又名化慈岩

桑乾河 在縣北十里

黃水河 源出朔州之三泉流經辛村至元英村稍散亂復聚於圪塔村經流縣城南至東辛寨入於桑乾河

神泉 在縣西北四十里一泉三眼水白而甘又名沙蒙泉一名沙家泉

西伯渠 在縣南王巡撫開此渠以殺佛宿山諸谷水漲之害

朔州

三塔崑山 在州西北二十五里山半有泉名三塔崑泉旱禱雨有應建龍王祠

翠峰山 在州西南七十里東連石碣崑北接馬驤山南通寧武軍山口西至陀羅臺山盤踞二百餘里山陽有石洞中有石佛一名翠屏山崖有積雪

天德山 在州北漢李陵自居延行至天德山遼太祖平党項遂破天德掠更民以東即此地

牟那山 在州北三百里隋大同城舊墟在此其近有耳背城及秦長城

元姬山 在州北三十里後魏道武帝侍姬葬此故名

寶峰山 在州北四十里明嘉靖年間忽山麓傾現石佛二尊一老一少備極神工其光如玉其響如金居民建寺於上故名

玉屏山 在州北六十里西接襄山金李純甫居此號玉屏山王一統志載蔚州

神武尖山 在州東南一百餘里即武州山之別峯也賀拔宗族居此

燕京山 在州南一百二十里一名管涔山汾水出焉唐置管州於此蓋取山名也又名林溪山有龍眼泉天池龍神廟今屬靜樂縣

東靈山 在州西南一百餘里舊武州境金初蕭融爲武州刺史常於此山建亭臺以備遊觀

契吳山 在州東北五十里與洪濤山連

夾山 在州北三百四十里遼主天祚避寇奔夾山即此

黑塚山 在州西北二十里特出郡山之表

禪房山 在州南七十餘里山頂有覆雲即雨

蔣山 在州西南八十里

苗家山 在州東北三十里石磴崎嶇僅通人行

賀蘭山 在州境

彈子山 在城北八十里

另山 在州西北六十里

龍虎山 在州西九十里

雙化嶺 在州西

魚渠嶺 在州西二十五里石上有魚形故名

鞍子嶺 在州西山後六十里形如馬鞍

西華嶺 在州西五十里時常盛暑尚多寒氣

七里河 在州北七里出洪濤西北山下流經酸刺村東南合灰河

灰河 在州南三里源出寧武軍山流出馬邑北洪濤村伏流十五里湧出經州城南至馬邑

注桑乾河

沙楞河 在州東南三十里脉通海眼晨夕水潮流經買莊居人舊引以灌田

寧邊河 在州北二百餘里水西流多蘆葦鴻鴈棲焉

臘河 在州北二十里洪濤山之陽水連桑乾居延川 在州北廢雲內州境一名居延澤蘇武常困於此

泥河 在州東七十里

神池 在州西南九十里有古城遺址

天池 在燕京山昔魏孝文以金珠穿七魚放池中後桑乾得所穿魚又以金縷箭射池之巨鯨亦於桑乾得所射之箭隋開皇間建祠池上至今禱雨即有應蓋池方一里餘旱不涸澇不溢淵深巨測潛通桑乾昔有人乘車遇風飄墮池中後獲車輪於桑乾

楊泉 在州西南九十里常有鯉魚化虹之異

三泉 在州東南六十里泉三處方圓盈輪深無底

聖水井 在三塔崑山下其水潦不溢旱不涸

郡人遇旱禱取輒應

武周井 在州北古城內相傳劉武周所穿俗

呼爲御井

南井 在州城南門內木甃有八角亭

馬邑縣

雷山 在縣西北十里有源泉

洪濤山 在縣北十五里俗名神頭山一名潔

頭山潔水出焉周圍里許有七泉湧出俗名洪

濤泉又名黃道泉其水溫深俗傳與寧化天池

水脉相通山下有桑乾河

馬頭山 在苗家山之左山勢似馬水經注曰

魏土地記云代城東南二十五里有馬頭山其

側有鍾乳穴趙襄子既害代王迎姊代夫人夫

人磨并自刺而死使者自殺民憐之爲立祠屋

於山側因名之爲磨笄山史記爲在夏屋山未

詳孰是

紫金山 在縣南五十里高二十餘里形勢險

峻巉巖盤踞相續不絕連亙數百里

筆架山 在縣南五十里

太和嶺 在縣東南六十里嶺北口西山上有

佳吉寨宋楊將軍六郎屯兵之所一名惡陽嶺

唐李靖率勁兵自馬邑進屯惡陽嶺即此

洪河峪 在縣東北十里一名洪豪峪

余觀谷 金執遼主延億處一名余都谷

嘔彝河 源出渾源槍峰嶺

泥河 在縣東北三十里

桑乾河 源出縣北洪濤山下與金龍水合流

經山陰應州大同縣界東南入蘆溝河又按水

經其河源自太原汾陽燕京山天池伏流至朔

州馬邑雷山之陽匯爲七泉曰上源曰玉泉曰

三泉曰司馬洪濤曰金龍池曰小蘆曰小浦七

泉合而爲一是爲桑乾河

恢河 在縣南五里源出寧武山口北流紅崖

村伏流十五里至塔底村

黃水河 在縣南二十里

鄆河 在縣東三十里

漂水 源出縣西北洪濤山即桑乾之源也漢

書謂之治水水經謂之漂水又謂之濕水

金龍池 在縣西北有水一泓深不可測嚴冬

不冰與懷仁金龍山泉水相通泉有二龍時化

爲馬一驪一黃遇天陰晦每出民間牝馬遇之

生駒神駿或有角如鹿茸然唐尉遲恭欲得之

伺其出飛跨其背策之將復躍入池乃以手攀

大柳旋轉而止

細盧灣泉 在縣西北與金龍池相距里許

玉泉 在縣西北上建龍王廟旱禱多應

上源泉 在縣西北十里雷山前

三泉 一在縣南五十里一在縣東五十里平

地湧泉澄清不濁雖隆冬盛寒亦不結凍

小浦泉 在縣西北五里水淵默澄深源出不

竭周圍蒲葦茂盛一名小泊泉

蔚州

太白山 在州東南三十里一名馬頭山有奇

石如馬頭狀俗名馬山旁有石洞產紅土可以

印色世傳周穆王乘八駿至此馬斃其血化爲

碧土一名磨笄山

末寧山 在州南五十里世傳金章宗遊獵駐

蹕於此

九宮山 在州東三十里金章宗避暑於此因

號九宮山又名殿子山有九宮口道通易州金

置巡檢司過東有末寧等口

雪山 在州東七十里一名倒喇山俗傳靈仙

所居

靈仙山 在州南二十五里太白山西上有三

奇石夕陽照映宛若三仙之象

孫千山 在州東南六十里孫子修道於此

五臺山 在州東八十里一名小五臺經夏積

雪峰巒秀出

高氏山 在州西北七十里滋水出焉山脚出

石炭民用之其東三十八里有枚迴嶺山麓相

接水經流水出代郡靈丘縣高氏山注云即溫

彝之水也出縣西高氏山山海經曰高氏之山

澆水出焉東流於河者也一名高是山

松子山 在州東南六十里山多松

人頭山 在州北一百二十里以形似名

石門山 在州西南三十里通靈丘縣

襄山 在州西北八十里接應州

翠屏山 在州南三十里即北口山峪內有龜

崖孤峰山環如錦屏

麻田山 在州東南七十里內有王喜見仙人

洞其內多種麻故名或云漢高皇封兄劉喜爲

代王穿此洞以通易州以就虛棺

神仙嶺 在州北四十里通東城

黑石嶺 在州南七十里通廣昌縣

賈兒嶺 在州東一百一十里通保安州

直峪 在州西南五十里通廣靈縣

金河 在州東三十里源出太白山下一本云

在州東八十里源發五臺山其水映石如金

壺流河 在州北半里源出廣靈縣城西三十

里莎泉東注合壺川山下水名神泉二水合流

其形如壺故名焉

七里河 在州東七里

乾河 在州東南三十里源出太白山二里出

口四散灌溉民田數十頃入壺流河

渡口河 在州東北九十里

蓮花池 在州東北六十里中栽荷蓮今廢

滋泉 在州西南三十里源出馬莊神水泉金

時民訟爭利置鉄板一片十孔分流灌田東南

入壺流河

飲馬泉 在州西十里相傳唐太宗會飲馬於

此

暖泉 在州西三十里其水澄清如鑑夏涼冬

暖故名

海子泉 在州北一百五十里隆冬不凍盛暑

愈涼汲飲不竭

金波泉 在州東北代王故城其味甘美

湯浴泉 在五臺山內浴之可愈疾二泉一涼

一熱

廣靈縣

飛鳳山 在縣東二十里平地一岡突兀軒然

翔起亦恆山餘脉

瓦房山 在縣東北四十里形如瓦屋故名

林管山 在縣西南四十里下有泉名石家泉

入壺流河上有勒漢岩

平頂山 在縣北三十里以形似名

牛欄塌山 在縣三十里周迴有石欄杆

巧八山 在縣北二十里其山居中四圍七山

相向

六稜山 在縣北七十里前後各垂三脊故名

望狐山 在縣西五十里相傳有神人呼云盍

近我居語訛人望見引狐入山故名

樺山 在縣東北四十里以產樺故名上有三分

分峯

黃龍山 在縣西三十里相傳會見黃龍於此

上有黃龍祠

石梯山 在縣西二十里西行要路也自麓抵

巔石塔天然故名

白羊山 在縣西五十里舊有羊寺遺跡下有

小河注壺流河

老山 在縣東北四里其山皆石間有草生

鞍子山 在縣西二里兩阜相連類如鞍狀故

名

千夫山 在縣西北五里相傳前代遺千人於

此取花斑石祭禱而後取故名今神祠尚在縣

民祈禱於此又名千福山

九層山 在縣北二十五里上有九層巖亦出

花斑石

臨灌山 在縣西南四十里上有石夾流泉數

里以資灌溉一名林關山

雷老山 在城南二十五里昔元吉樂父於此

其子孝諫而載歸故名

天井山 在縣西南二十里有天井寺故址寺

有井深五六尺雖旱不竭舊常引此水入廚

直峪山 在縣南一里相傳有仙採藥於此人

遇之仙忽不見石上有仙人足跡猶存一名玉

峰山兩峰突出

社臺山 在縣西關內石岡如臺故名

壺山 在縣東南一里許以壺流河得名

如斗山 在縣南東二十里層巒突起高出雲

表卉木森森清麗可玩上有圯城形迹猶存

火燒嶺 在縣西北五十里舊稱山石如爛今

有草

馬蹄嶺 在縣西五十里石上多馬蹄跡

斷駕嶺 在縣西四十里昔寶建德自牛口峪

還至此病革死葬於嶺上

臥龍岡 在縣北八里山脈蜿蜒自西而來疑

結東向與龍虎巖山對峙左右宛然二龍蟠戲

每遇夏平地一靈光上浮若引練然直貫兩山

之麓冬春則不復見矣

壺流河 在縣南關外古名滋水源出沙泉上

狹下闊其形如壺經蔚州入桑乾

枕頭河 在縣南三里源出翟家嘴形類角枕

東注壺流河

豐水 在縣東南平地一山山下亂泉湧出東

流爲葫蘆河以其水上狹下闊若葫蘆然下流入定安縣西界

作噴池 在縣西十三里作噴村水從西山底出澄清汪洋方十畝其水潯縮中約五畝遇雷雨動作則水湧漲附近居民以水之消長卜地之盛衰一名作噴海波池

集興噴池 在縣南五里其水清湛冬夏不竭注壺流河

瑞泉 在縣西五十里白羊山其泉瀑湍奔騰如唾玉

灑雨泉 在縣西二十里直峪山源自石孔出灌田數十頃遇旱使數婦潑灑之遂南北注枕頭河東入壺流河

一斗泉 在縣西北三十里九層崖其泉雖一斗之微可給百家故名

滴水崖泉 在縣北十五里半山懸崖有泉自石中滴出味殊甘美

莎泉 在縣西三十里泉畔多生莎草卽壺流河源水經注曰水側有莎泉亭

欽定古今圖書集成方輿彙編職方典

第三百四十四卷目錄

大同府部彙考二

大同府山川考下

大同府城池考

職方典第三百四十四卷

大同府部彙考二

大同府山川考下

靈丘縣

聖水山 在縣西北三十里上有聖水泉

花山 在縣西北十二里春花盛開

孤山 在縣東一十八里以不接他山故名

惡道山 在縣東北二十里山路崎嶇峻險難

行過隘門兩峭壁旁立數千尋山樹交接大類

瞿塘三峽中有溪路闊數尺僅容騎仰天光一

線非子午不見日月行人偶一發聲震響岩谷

間羣鳥飛鳴絲竹競奏每暑月人不取行恐驟

雨時過山水瀑激亂石蜿蜒而下無以避其怒

也俗呼二道峽又名礪道山

龍泉山 在縣東北二十里下有龍泉一本云

即聖水山

太白山 在縣南十里或云二十里山有鍾乳

穴穴中乳滴如懸穗然蓋太白爲郡邑諸山之

府志

最高極雲表磴道十八盤素稱峻峻每欲雨雪
巔上雲氣如覆幘土人望之以下晴晦諺云南
山戴帽下雨無道值雨雪初霽平地流雲高數
丈騰躍山家屋舍以爲常山多叢木豐草樵採
者及麓而返緣空谷久無足音虎狼踞成窟宅
是以無敢至顛初夏雨過積霰經旬不沒岩壑
間時有古冰厚數尺歷四時不減土人稱千年
冰云山之南面地廣衍多平疇產黃花蕨菜明
萬曆中曾遣中使採礦此山駐節邑城經年後
以入不償出奏罷之至今遺有爐竈洞穴俗稱
太白巍山

隘門山 在縣東南二十里壁立直上極險隘
澧河所經之處濤洄噴射晝夜時聲鼓聲冬春
兩季水漲至山足梯路俱絕後魏于此置義倉
宋設關防

三山 在縣東二十五里三峰巍峙地多渠壑
銀釵嶺 在縣東二十五里連廣昌縣界其嶺
兩旁高山峙立盤路紆回每盛暑過之山風起
栗聲勢怒號俗傳姐已過此墮釵

黑龍河 在縣西四十里黑龍谷上建黑龍池
廟其水南入澧河
涿水 發源廣昌縣城南流入縣境
馱水 在縣南十里俗傳有僧蓄馱水桶自山
下取水時人識之酌水注桶自馱而去故名

滋水 在縣西南枚迴嶺懸流五丈湍激之聲
震動山谷
白馬泉 在縣西北四十里舊傳漢文帝在潛

邸時經此乏水驪從皆罷困帝禱之忽有白馬
跑地得泉
覺山井 在縣東南三十里環堵皆山而井在
其中深幾三百尺

廣昌縣
白石山 在縣南二十五里山多白石有白石
口通保定府唐縣東有浮圖峪口

旗山 在縣西南三里相傳宋將楊景豎旗于
上又七峰山相連亦名七山
香山 在縣西南十里有古寺松柏蔥鬱號
爲勝境

登梯山 在縣西南三十里內有古刹石磴直
上梯
聚雲山 在縣北十三里上建北嶽廟雲聚即
雨

玉皇山 在縣西十餘里上建玉皇廟
孤山 在縣東二十五里平地突出四虛無倚
野孤山 在縣東北十里山中有狐狸恆夜鳴
挿箭嶺 在縣南三十里有六郎祠相傳六郎
挿箭于此有石跡

鐵嶺 在縣東三十里石狀如鐵
驛馬嶺 在縣西五十里
黑石嶺 在縣北六十里石黑色
雕窩嶺 在縣東六十里舊有銀洞今塞

獅子崖 在縣東北二十里有石塊形類獅子
又名獅子峪
拒馬河 在縣南三里七山下即涿水之源也

世傳楊彥朗拒敵兵于此故名拒馬河又云金章宗至此馬乏水見土色濕潤有水之形以鞭指而得水穴馬跑而飲之又名馬跑河水經拒馬河出代郡廣昌縣涑山注云即涑水也有二源俱發涑山

涑水 一在縣東郊外源出北崖古塔下通拒馬河經紫荆關流入易州涑水縣界一源發于關內異方亦名涑水從關堡牆下水口流于拒馬河周禮職方氏正北由并州其浸曰涑易即此

木瓜澗 在縣唐乾寧間李克用討燕師劉仁恭遇戰于此

馬跑泉 在縣南七十里楊六郎屯兵此地馬渴以蹄跑土水出至今北山大石上有楊六郎親題福勝地三殊字

左衛

龍王堂山 在城西三十里衛人禱雨多應

石山 在城東六十里

傅家嶺 在城北五十里

啼哭嶺 在城西北三十五里

鵲嶺 在城東六十里有鵲窩寺

廖家河 自西而東襟帶城北

寒泉 在城東六十里石佛寺

溫泉 在城北門外嚴冬不凍

右衛

牛心山 在城東四十里

楊鐵山 在城西南二十里

黃家山 在城西北十里

邊家山 在城西南二十一里

聖山 在城西北三十里

平桓山 在城北三十五里

大青山 在城西北五十里

南山 在城南四十里

玉林山 在城西北二十里

黃土山 在城西北五十里

東團山 在城西北三十里

長安嶺 在城北二十五里

忙牛嶺 在城西北二十里

紅土嶺 在城東南十五里

盤石嶺 在城東南四十里

圈海 在城東南五里乃今羊圈村泉水也一名羊圈海

黑海 在古豐州界源出官山西流入雲內

兔毛河 在穀虎堡外駱駝山流過古東勝州

入黃河

王石匠河 在城西南四十里

馬營河 在城北五十里

南小河 在城南關近門

楊千戶河 在城南

蕭官人河 在城西北二十里

南大河 在城南二十里

三家川 在城西北五十里一云在城北

石溫泉 在城北

三里泉 在城北

陽和衛

威寧海 在城西北二百二十里左邊衛

馬邑河 在城西來遠城北東流萬錦灘圍園賴以灌溉

天城衛

盆山 在城東十里其形似盆故名上有石洞

神頭山 在城東南六十里其山尖峰拱出望

愈遠愈高

晚霞山 在城東南日落晚照霞彩燦然其形似蓮花又名蓮花山

福祿山 在城東北十里許

孤峰山 在城南二十里由平地起故名上有

神廟每遇大風不止祭之即息

二郎山 在城東北十五里上有一泉不涸不

溢取之不竭上建二郎廟遇旱祈禱輒應

天河 在城南一里流至城北常泥濘不易過

湧泉 在城西南角百步餘其水萬人用之不

竭終年不用不溢

威遠衛

賀蘭山 與寧夏賀蘭山遙峙

大南山 一名賀蘭

吳二山 在城西

小南山 下有海窟地方一畝澄清湛澈

尖山 尖峰疊出下有聖水堂

石香爐峰 夾山對峙狀如鼎形故名

滴水崖 在城東南十里石匣激流清湛可掬

滄頭河 在城南一百五十步

龍井灘 在城北二里許一名廟兒灘列樹成

陰中建八臺王廟里人禱雨于此

十八灘 在城西衛人修禳于此

平遠衛 一名平遠衛

紅山 在城北三十里土石俱紅故名

磨兒山 在城西北五十里山形險峻周環如

磨又古今用武之地昔單于把禿王與漢兵轉

戰數日于此今建以廟旁有碧峰古洞幽邃人

莫敢入

西平山 在城西北五十里

呂公山 在城北四十里

中平山 與西平山近

小青山 在城西北三十里

最高峰 在衛境

湯旗河 在城西北三十里

姚河 在城北三十里

趙河 與姚河近俱流入滄頭河

細水河 在井坪堡南十里

西澗泉 在城西一里滔滔湧出其濟無窮

府志未載山川

懷仁縣志

得勝山 在縣西北三十里山脊崎嶇明隆慶

年上建元帝廟老君廟居人鑿砌石梯數里攀

援而上

陳家峪山 在縣西北二十里峪傳宋楊業敗

兵處未知是否

鵝毛口山 在縣西北十五里西通左右二衛

牙余山 在縣西南三十里許

紅山峪 在縣西南三十五里有捨身崖

滴水崖 在縣西南六十五里金仙洞南石壁

有孔日滴水數壺可供一人

三里河 在縣北三里許

里八莊河 在縣北二十里許

五里河 在縣南五里

泥河 在縣南一十里

水磨河 在縣南十五里

宋家莊河 在縣南二十里

鴛鴦河 在縣南二十五里

小峪河 在縣南二十五里通小峪口

大峪河 在縣南四十里通大峪口

薛家莊河 在縣南三十里通紅山峪口

渾源州志

鉅峰嶺 在城東南五十里嘔夷河經流于麓

一作槍峰嶺

遠望峪水 在城東南十里出峪即伏至顧冊

村匯澤西流

李峪水 在縣西南十里西流

應州志

書堂巖 在始越山內金進士曹之謙講書處

趙霸岡 在城東二十五里其勢南北橫臥右

腋下即渾河上有觀音閣鬱閣廳

護駕岡 在城南三十里故老相傳魏孝文皇

帝駐蹕于此因以立名

牛槽峪 去城東南三十里

大石峪 去城東南三十里

小石峪 去城東南三十里南通繁峙縣內有

劉靜山房在溝東坡上相傳唐田游岩常棲此

今名大覺精舍

箭桿峪 去城西南四十里

明福峪 與箭桿峪近

劉家峪 與明福峪近

神堂峪 與劉家峪近

東安峪 在城西南五十五里

西安峪 在城西南六十里

山陰縣志

白泥河 源出榆林峪會流桑乾

朔州志

門家嶺 在州西三十里

顧北嶺 在州西北四十里土人母被虜于日

登此嶺望母死葬嶺上故名

鄧河 在州東五十里

吁囑河 在州北十里發源團堡西

金龍池 在州東北二十五里

南泉 在州南五里

西井 在西門內

東井 在城東南隅餘井水皆苦澁獨四井水

清味甘居人取汲

十里鋪井 在州東七里河西有井泉亭今廢

馬邑縣志

雙化嶺 在縣西七十里

蔚州志

玉泉山 在城南二十里石泉飛瀑佳士每讀書于此

玉屏山 在州西北六十里西接襄山金李純甫自號玉屏山主

石佛山 在城東七十里

五岔山 在城西北四十里通西城大同近因盜賊充斥添設把總防禦

退虎嶺 在城西南七十里通靈丘縣山西省

城

石門峪 即古代谷

桑乾河 在城北七十里源發朔州馬邑縣金龍池

嘔夷河 在州境寰宇記出靈丘縣西北高氏山周禮職方氏曰并州川曰嘔夷謂此今名唐河

葫蘆河 在州城北其水上槽狹下流闊有似葫蘆然發源廣靈縣豐水而來下流入安定縣西流

甘泉 在太白山下

白石溝 在城東南五十里

石板溝 在城東南七十里

上寺溝 與石板溝近

龍泉溝 在城東南一百里

深澗 在城北三十里

淺澗 與深澗近

沙澗 與淺澗近

水澗 在城西十里

油澗 在城東北七十里

孟澗 在城東北六十里

岔澗 在城東一百里

橫澗 在城東四十里

鴉兒澗 在城東八十里

陡澗 在城北二十里

蘆子澗 在城東四十里

掘頭澗 在城北十里

廣靈縣志

大山 在縣北三十里徧道直躋峻而不險至嶺巔頗廣漫復聳一山名平原塢形如離堆高插雲表北瞰陽和塞南望太白峰宛在指顧間道通天成陽和曲折夾石溝為縣北界從此趨下磴道盤旋馬不並馳設伏以守寇不能度亦縣北之屏障也

任家洞 在千福山後

周家洞 在縣西山三十里俱可避兵

鴉兒匯 在縣西南四里鴉多飲啄于此暑月有木人感寒疾取而食之汗出即愈諺云善民丹水

石井 在壺山內其水每從大士菴座下獅子口內溢以菓物投之即由山脚流出其空靈神異駭人見聞且環山皆泉如沸如噴猶萬斛珠璣隨地而湧匯為一池周廣數畝夏秋碧光澈漚春冬霧氣空濛魚躍波底鳥語枝頭遊人登眺頗稱奇觀舊有飛雉懸樓水果稻粱今俱廢

靈丘縣志

覺山 距縣東南三十里由隘門山峽入取道巖石間路僅容騎石壁峭插干霄懸崖山木側出間以壽藤如設游幢左則石澗數百丈下有怒湍奔流轟然晴雷起足下耳目所攝心膽俱怖山之腹地土平衍後魏建有廣利至今盡廢僅存佛舍經堂數楹而已

紅山 在縣西六十里石色如赭夕陽如旭爛金紫

漫山 在縣西北七十里無脊巒危峰之騰達山勢紆徐而曲折故名

鼓子山 在縣西三十里平地突岬儼一石鼓立田山中側地稍饒沃多不治緣兵燹災後居民逃亡殆盡遂廢棄隸荒土以待開墾焉

流石山 在縣西五十里石理劈斧側然建甌駱駝山 在縣東北十五里兩峰若駝背蒼然欲頽狀而得名

團山 在縣北二十二里形如覆釜無草木山麓設郵遞郎呼團子山鋪

黑山 在縣北三十二里山石作煤黛色因名

野窩嶺 在縣西南為行旅入鐵嶺口孔道山半有舊日礦洞遺砂灼灼尚積林麓地多虎夜常突出

鎗嶺嶺 在縣東二十里無磴路直上數千仞鑿壁數十盤蟻附而登數步一息石齒俱斧鋸痕每一經過足末有不蘭者嶺上下多產野芍藥黃白最繁一叢十數本入夏蜂採之聲不絕